

Ո Ր Ո Շ ՈՒ Մ N 040/1
/վարչական տույժ նշանակելու մասին/

«29» հունվարի 2019թ.

ք. Երևան

Հայաստանի Հանրապետության պետական եկամուտների կոմիտեի Արարատյան մաքսատուն-վարչության պետ Զավեն Հակոբյանս, քննելով Դավիթ Վարպետյանի (անձնագիր՝ AM 0379466, հասցե՝ ք. Երևան, Ամառանոցային 1-ին տար., տ. 6) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Դավիթ Վարպետյանի անվամբ լրացված թիվ 05100033/200618/0038672 տարանցման հայտարարագրով Բագրատաշենի մաքսային կետ-բաժնով ՀՀ տարածք է ներմուծվել 121 կգ ընդհանուր քաշով բեռ, որը 21.06.2018 թվականին հանձնվել է մաքսային մարմինների ժամանակավոր պահպանությանը, սակայն մինչև ժամանակավոր պահպանության ժամկետի ավարտը նշված բեռի վերաբերյալ մաքսային հայտարարագիրը մաքսային մարմնին չի ներկայացվել:

ՀՀ ՊԵԿ Արարատյան մաքսատուն-վարչության բացթողնման թիվ 1 բաժնի գլխավոր մաքսային տեսուչի կողմից 30.10.2018 թվականին քաղաքացի Դավիթ Վարպետյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 194-րդ հոդվածի հատկանիշներով:

Ի պատասխան Արարատյան մաքսատուն վարչության պետի թիվ 20-1/1865194-18 առ 29.11.2018թ. գրության՝ Արևելյան մաքսատուն-վարչության Բագրատաշենի մաքսային կետ-բաժնի պետի ժամանակավոր պաշտոնակատարի թիվ 22.1.1-1/1868491-18 առ 03.12.2018թ. գրությամբ տեղեկացվել է, որ թիվ 05100033/200618/0038672 տարանցման հայտարարագրի 8-րդ սյունակում՝ որպես ներմուծողի տվյալներ, պետք է հիմք ընդունել Դավիթ Վարպետյանի տվյալները:

Փաստի կապակցությամբ 03.12.2018թ. Արարատյան մաքսատուն-վարչության ԳՀՀ թիվ 1 բաժնի ավագ մաքսային տեսուչ-իրավաբանի կողմից Դավիթ Վարպետյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային օրենսգրքի 194-րդ հոդվածի հատկանիշներով:

Մաքսային կանոնների խախտման վերաբերյալ գործի քննությունը նշանակվել է 22.01.2019 թվականին ժամը 10:45-ին, ինչի անցկացման վայրի և ժամանակի մասին ծանուցումն առաքվել է Դավիթ Վարպետյանին, վերջինս, սակայն չի ներկայացել գործի քննությանը և գրավոր որևէ դիրքորոշում չի հայտնել:

ԵՏՄ մաքսային օրենսգրքի 101-րդ հոդվածի 1-ին մասի համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն Օրենսգրքի սույն հոդվածի 2-րդ կետում և 259-րդ հոդվածում նշված դեպքերի:

Նույն օրենսգրքի 110-րդ հոդվածի 1-ին մասի համաձայն՝ միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Այսպիսով, վարույթի նյութերով հիմնավորվում է, որ քաղաքացի Դավիթ Վարպետյանը սահմանված ժամկետում թիվ 05100033/200618/0038672 տարանցման հայտարարագրով Բագրատաշենի մաքսային կետ-բաժնով ՀՀ տարածք ներմուծված բեռի համար մաքսային հայտարարագիր չի ներկայացրել, որի արդյունքում թույլ է տվել ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 13-րդ բաժնով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ և 247-րդ հոդվածներով՝

Ո Ր Ո Շ Ե Ց Ի

1. Դավիթ Վարդապետյանի նկատմամբ ՀՀ մաքսային օրենսգրքի 194-րդ հոդվածի հատկանիշներով սկսված մաքսային կանոնների խախտման վերաբերյալ գործի վարույթը՝ կարճել:
2. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար Դավիթ Վարպետյանին ենթարկել վարչական պատասխանատվության՝ տուգանելով **50.000** ՀՀ դրամի չափով:
3. Որոշման մասին հայտնել կողմերին՝ պարզաբանելով, որ այն օրենքով սահմանված երկամսյա ժամկետում կարող է բողոքարկվել վերադաս մաքսային մարմին (ք. Երևան, Մ. Խորենացի 3/7) կամ դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900013323010՝ գումարի 30% (ՀՀ պետական բյուջե, կենտրոնական գանձապետարան, Արարատյան մաքսային-վարչություն, ԿՈԴ 27):

ԱՐԱՐԱՏՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Զ. ՀԱԿՈԲՅԱՆ